



Fylkesmannen i Hordaland

ELKJØP SARTOR
Sartorvegen 12
5353 Straume

Bergen, 13. desember 2018

Dykkar ref.:
Cecilie Rognsøy Olsen

Vår ref.(oppgi ved svar):
2018/14040
Sakshandsamar:
Silje Tingstad

Rapport etter inspeksjon ved Elkjøp Sartor

Kontrollnummer: 2018.129.I.FMHO

Kontaktpersonar ved inspeksjonen:

Frå verksemda:
Cecilie Rognsøy Olsen

Frå Fylkesmannen i Hordaland:
Silje Tingstad
Diana Eidem

Resultat frå inspeksjonen

Denne rapporten gjeld resultatet frå inspeksjon ved Elkjøp Sartor 21. november 2018. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Fylkesmannen i Hordaland avdekka 2 avvik og ga 1 merknad under inspeksjonen innan følgjande tema:

- Oppbevaring av EE-avfall
- Informasjon om mottak av EE-avfall
- Oppbevaring av EE-avfall med sensitive data

Avvik og merknader er nærare omtalte frå side 4 og utover i rapporten. Oppfølginga etter inspeksjonen er nærare omtalt på side 3.

Elektronisk dokumentert godkjenning, utan underskrift

Silje Tingstad
overingeniør

Diana Eidem
overingeniør

Kopi til: Fjell kommune

1. Informasjon om den kontrollerte verksemda

Ansvarleg eining

Namn: ELKJØP SARTOR	
Organisasjonsnr.: 972076783	Eigd av: 947054600
Bransjenr. (NACE-kode): 47.540 - Butikkhandel med elektriske husholdningsapparater	

Kontrollert eining

Namn: Elkjøp Sartor	Anleggsnr.: 1246.0092.05
Kommune: Fjell	Fylke: Hordaland
Anleggsaktivitet: Produktforhandler	
Løyve gitt: -	Sist endra: -

2. Bakgrunn for inspeksjonen

Inspeksjonen vart gjennomført for å kontrollere om gjeldande krav som er fastsette i eller med heimel i forureiningslova, vert overhaldne. Inspeksjonen inngår i Fylkesmannen sin aksjon for EE-avfall hos forhandlarar.

Tilsynet vart gjennomført i medhald av forureiningslova § 48.

Inspeksjonstema

Tema for aksjonen var forhandlars plikt til mottak, sortering og oppbevaring av EE-avfall, og plikta til å informere om dette.

Rapporten gjeld avvik og merknader som vart avdekka under inspeksjonen. Han gir ingen fullstendig tilstandsvurdering av miljøarbeidet eller miljøstatusen til verksemda.

Definisjonar

Avvik: Manglande etterleving av krav fastsette i eller med heimel i lov.

Merknad: Eit tilhøve som tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

Andre tilhøve: Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifisert som avvik eller merknader, kan også inngå her.

3. Oppfølging etter inspeksjonen

Elkjøp Sartor pliktar å rette opp avvika som er omtalte i denne rapporten så snart som råd. For at Fylkesmannen skal kunne avslutte saka, ber vi om at Elkjøp Sartor innan 15. februar 2019 sender ei skriftleg utgreiing som viser korleis avvik er retta og kva tiltak som er gjennomførte eller planlagde.

Vi ber om at de stiler svarbrev eller e-post (fmhopostmottak@fylkesmannen.no) til Fylkesmannen i Hordaland v/Silje Tingstad.

4. Vedtak om gebyr

Vi viser til informasjon og varsel om gebyrplikt som vart gitt til verksemda 20. november 2018. Verksemda skal betale gebyr for kontrollar utførte av Fylkesmannen i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemda etter forureiningslova er fastsette i forureiningsforskrifta §§ 39-7 og 39-8.

På bakgrunn av forventanta ressursbruk må Elkjøp Sartor betale eit gebyr på kr 5 200,- for inspeksjonen, jf. forureiningsforskrifta §§ 39-7 og 39-8. Dette svarer til gebyrsats 5 for tilsyn av inntil en dags varighet. Miljødirektoratet vil sende dykk ein faktura for innbetaling til statskassa. Fylkesmannen viser elles til forureiningsforskrifta kapittel 39 om innkrevjing av gebyr til statskassa.

Klagerett

Vedtaket om gebyr kan klagast på til Miljødirektoratet, jf. § 28 i forvaltningslova. Ein eventuell klage bør vere skriftleg grunngjeven og adressert til Miljødirektoratet, men han skal sendast via Fylkesmannen i Hordaland. Fylkesmannen vil vurdere endring av vedtaket eller sende saka vidare til Miljødirektoratet for endeleg vedtak. Gebyret som er fastsett ovanfor, må likevel betalast inn. Dersom Miljødirektoratet tek klagen til følgje, vil for mykje innbetalt beløp bli refundert.

5. Innsyn

Denne rapporten vil vere offentleg tilgjengeleg via postjournalen til Fylkesmannen i Hordaland (jf. offentleglova).

6. Avvik

Vi fann følgjande avvik under inspeksjonen:

Avvik 1

Verksemnda si oppbevaring av EE-avfall er mangelfull

Avvik frå:

Avfallsforskrifta § 1-5

Kommentarar til regelverket:

Forhandlar skal sørge for at EE-avfall som er motteke vert sortert frå anna avfall og vert oppbevart på eigna stad, som ikkje er skjemma eller fører til fare for forureining eller skade på menneske eller dyr. Det vil normalt bety at avfallet må lagrast på fast dekke og skjerma for vêr og vind. Moglegheita for førebuing til ombruk, materialgjenvinning og utsortering av komponentar i EE-avfallet skal ikkje bli redusert. Forhandlar skal setje i verk tiltak for å forhindre tjuveri av EE-avfall.

Avviket er basert på følgjande observasjonar:

Småelektronikk vert oppbevart i opne bur og kvitevarer i låst container. Kvitevarer vart sett i containeren minimum annankvar kveld. Bur med småelektronikk vart sett i containeren når det er fullt. Bur med småelektronikk og kvitevarer som vert ståande ute er ikkje skjerma for vêr og vind, og kan medføre fare for forureining og redusere moglegheita til ombruk mm. Det er også meir tilgjengeleg for tjuveri.

Avvik 2

Informasjonen til kundar om mottak av EE-avfall er mangelfull

Avvik frå:

Avfallsforskrifta § 1-6

Kommentarar til regelverket:

I avfallsforskrifta § 1-6 står det at forhandlar skal informere om at EE-avfall ikkje skal kastast saman med anna avfall og at det vert tatt i mot vederlagsfritt. Det skal informerast gjennom oppslag i alle butikklokale, framvisings- og utstillingslokale, på mellombelse utsalsstader og i alt sals- og informasjonsmateriell som vert publisert, både i elektroniske og papirbaserte media. Teksten skal vere lett å få auge på, lett å lese og skilje seg frå anna informasjon.

Avviket er basert på følgjande observasjonar:

Verksemnda opplyste at dei ikkje hadde informasjon om mottak av EE-avfall i butikklokalet. Dei hadde skilt tidlegare, men venta no på nye.

7. Merknader

Vi ga følgjande merknader under inspeksjonen:

Merknad 1

Oppbevaring av EE-avfall med sensitive data

Kommentarar:

I avfallsforskrifta § 1-5 står det at det skal vere eit tilbod om at EE-avfall som kan innehalde sensitive data kan oppbevarast i stasjonær låst behaldar eller ved tilsvarende sikker lagring.

Verksemda oppbevarer EE-avfall med sensitive data i ei kasse på lageret til vareutleveringa. Denne var ikkje låst. Det vart opplyst at verksemda skal få låst dropbox for EE-avfall som kan innehalde sensitive data, men det var ikkje komen endå.

8. Dokumentunderlag

Lovgrunnlaget for inspeksjonen var:

- forureiningslova med underliggjande forskrifter
- avfallsforskrifta kapittel 1 om kasserte elektriske og elektroniske produkt
- internkontrollforskrifta

9. Brosjyrar

Faktaark M-116/2014 Når EE-produkt blir avfall

<http://www.miljodirektoratet.no/Documents/publikasjoner/M116/M116.pdf>

Faktaark M-297/2015 Gebyr ved kontroll

<http://www.miljodirektoratet.no/Documents/publikasjoner/M297/M297.pdf>